

孫徵君日譜錄存

孫徵君日譜錄存卷之二十一

康熙三年甲辰八十一歲

正月

後學 永年武汝清校訂
武陟王 輯

初一日

在孫徵君墓前
孫徵君監刊

先拜 祖先後應酬宗族鄰里晚與馬欣二生暨兒

孫酒慶新歲也

初二日

寄高似斗司寇書 稿存原本

初三日

書伯兄傳後 稿入集

初四日

客至 客至不能揖榻次羣徙倚非獨示忘形

固如此

初五日

天雨雪 世上孰爲潔最潔莫如雪忽然積尺餘乾
坤成玉結偏於冰雪人解目欣相悅

初六日

郭芝仙書

初七日

寄馬玉笋 馬闇修

初八日

寄鹿靜觀 寄乾真振公昆玉

十八日

金陵朱生某歸省其祖母過夏峯言別子曰子生長
於斯今歸而省祖母展先墓不忘其本矣況代父
定省其母則可以慰南北兩地之心係此行也因
呼酒連舉數盃以壯其行

二十三日

別嵩三 淮上吳子名璵字嵩三自甲申謝舉子業
而有志於學因其友趙寬夫不遠數百里過夏峯

而北○○○其詩俱可觀其人更靜恬無才人
之習氣余與之語連晝夜絕不見有齟齬於心而
達拂於色則其中之所得可知也瀕行所質六則
大都先儒之論辨我心有不安者不必曲爲解第
折衷於孔孟而已君年方壯如日出之明進進不
已何患無到家之日子與氏曰夫道若大路然豈
難知哉歸而求之有餘師余無益子矣

二十四日

原○曹雪帆名連握來贊

二十五日

入城

二十六日

諸大夫各延欸

二十七日

送雪帆北上兼致汪若干

詩附

二十九日

麻城人周之瑜爲余言梅長公以黨楊大洪被逮信

熹廟棄羣臣得不死

三十日

臘正兩月應酬頗繁八十一歲人遂疲因難支因念

太公衛武策勲好學皆在耄耋之年邇如湛甘泉
王龍溪八十猶遠遊也嘗試思之凡應事接人而
苦者才不足耳識不足耳胆不足耳才果足勝天
下之事識果足以破天下之疑胆果足任天下之
難則應事接人遊刃有餘矣要在此處見學力

二月

初二日

義方賀泰

高尚宋之盛

入取節錄

初八日

滄州陳子石名奉教來問學

初九日

新安李燮五因刻甲申大難錄被逮犯私刻之禁也
刻書既違緝書者無不逮之理但此事本末順治
九年奉有詳察確訪明末死難諸臣之旨而在
庭諸臣各舉所知有至四保以上者其敬慎可知
疏中且云嘗聞帝王致治莫不旌表忠魂崇重節
義昔武王入商封比干之墓明祖定鼎建余闕之
祠其所闕甚鉅故燮五有此刻亦遵此段功
令也刻甫就忽聞有私刻之禁燮五即焚其板今
此書既已封進舉朝皆知緝書之人所犯罪名某

十一日

當順受但刻書在永禁之前當事者或未盡知耳
爲濟上事具呈爲目行赴部辨明事某自順治九年
奉有旌表明末死難諸臣之 旨在廷諸臣各有

保舉某仰見我 世祖章皇帝日月爲昭之心於
未禁刊刻野史之先某曾擬拾殉難諸臣及一時
內外交武士民同死甲申之難者集成一書以備
盛朝採擇於本年二月內有族人自濟甯貿易
聞知州以此書被逮某恐其中顛末未明行年八
十一歲雖耳目聾聵願自行赴部口陳其詳謹先

呈本縣父母卽刻就道爲此具呈

十二日

喜陪飛雪海於郡伯坐上 與君言別十五年患難
相逢志益堅與我周旋猶勝我人謀卻是屬天緣

十三日

郡伯過寓言別且致吳道尊相留之意諸友門人輩
送之十餘里

十八日

過彰德望拜韓魏公祠 未肯輕將胆許人無才無
識胆非真老年敬借先生意好鎮蓬飄未定身

十九日

此番入郭城屈指已四度矣景尼作古女孫云亡遺
孤女五歲撫茲情事愴我老懷口占示友郭友杜
十六年來四過君過君今日君不聞昏耗益切
相思淚愁緒紛搜入亂雲

二十日

彰城阻雨 雨雪霏霏匝地來欲行且止幾徘徊以
身歸命應先至需次惟求天眼開

二十一日

關帝籤告吉 痴子祈籤抱隱憂神云守已免管求

從來俟命惟居易天意人心豈雨謀

以書致毛會侯司李是日會侯過輝亦遣人來問

二十二日

過淦水憶張湛虛司馬 耄年日日賦停雲國士福

知獨有君今日有懷難告語西州汨酒不堪聞

二十三日

過沙河 平沙十里望中餘寸草不生難莫居孰音

北關風景好春光猶勝我初

二十四日

過順德輓楊猶龍 十載蒙君塵外知百年天地幾

多時拚官不蚤身羈旅留得孤魂明月隨

二十五日

春分塘馬舖居民黎明香燭爲祭 香燭黎明爲禱

祭居人云是古來傳道人更與土人說拜罷春分
拜祖先

二十六日

金提店張甥傳劉震之平安報 劉子都門頌寄語

俱云無事任安眠其中應有徙薪客謾道如今少

神連

奕脩奏見途孫皆先王一日行震之於保定道中遇

奕倩定州過途孫真定遇奏兒奏兒於順德道上
迎余是夕偕梁甥○○同宿大甯鋪得韻兒都
門家報衆議回車遂不及○○○展先墓

二十七日

大甯鋪旋車

二十八日

語韻兒曰憂患恐懼最怕有所一有所則我無主風
吹草動便生憂懼古來忠臣義士孝子悌弟只是
能自作主張看得著底無事不宜生事有事不宜
避事讀書學者正在此著力

二十九日

沙河北園有母節子孝坊 沙河城北風光好旌表
巍然節孝坊兩字千秋闢地脈世人莫視作尋常
過臨沼關李承蜩暨其諸弟來昭因憶鹿洞觀 世
誼相關念爾殷我來此日爾不聞東君見顧詢情
好疑信猶然強半分

三十日

晚宿黃梁 遙望高枕夢魂驚此日重過深有情欲
向希夷問睡法何如片刻足生平
奏兒先回

三月

初一日

李○○令其嗣掌六持書賦詩視予黃梁兼致壺茶
答贈 我過洛干道相望紫氣深德門多俊秀吾
道豈銷沉一夕攜壺意千秋伐木心詩工在病後
應自有知音

李蒙西亦攜具踵寧六至

初二日

王張攜立兒家報自故園至

初三日

過成安下榻舍生自覺齋

初四日

弔尤繩父子墓

贈舍生玉乘二子

有引

余三過成安其俗醴朴二三

同人矜禮法重友誼卽尤繩父子生死存亡以魏
村爲歸舍生有古人之誼焉信甫云亡玉乘篤念
姻壻代營喪塋此豈尋常世法子弔尤繩之墓撫
信甫之孤而有感於二子因爲一絕

詩佚

初八日

宿光村舖謂望兒曰來時於此阻雨眠食亦覺安閒

今賴一祖父之蔭歟恬浪靜而肢體困憊卻似難
支豈勇於前而怯於後哉志有帥不帥也志能帥
則氣鼓志不帥則氣餒矣

初九日

宿淇縣親友餽酒肉分惠於盧頌蓼時年九十二

初十日

入衛郡賸程念伊念伊云適聞令郎見顧云云余曰
未到寓卽來面不知小兒之到此也念伊因令羣
奏雅再至余父子兄弟同聚郡伯所宛然家庭骨肉也

是夕晤曹子顧爾堪兄弟以魏忠節聲氣之好相見
甚懽欲過訪夏峯聞予北行有詩一章記之

十一日

晤道尊即行于顧兄弟看行謂從人曰此中定有張
姓者張曰何以知之子顧曰張于度大仇昔與
先生周旋左魏之難今其子弟固應有從先生者
耳奏兒曰不獨其子弟兼有其叔子顧大笑而別
此番出門時遇郝雪海張殊喜得
此二友

十三日

歸夏峯宗族鄉黨皆來相勞

十三日

具呈本縣 呈爲具報中途退回事某二月十二日
投呈本縣願赴部辨明八十一歲病軀駕車北行
值天陰雨日走四五十里着人先往尋下處至二
十九日到定州明月店去人自京回始知濟甯李
知州進呈之書與某絕無干涉得此信於三月初
一日返四十二日抵輝縣因前呈申報不得不再
具呈本縣老父母以便據實轉申銷結前案爲此
具呈

十五日

是後數日應酬賓客

十六日

王夢航攜濟甯進書全抄至樞齋濟甯之爲好男子

余曰濟甯有子還當勝濟甯耳

十九日

穆菴目汴以書問慰答云此番波浪固其自取幸借此不罹於咎從此有閉門修省而已至親翁凡事代爲謀真不啻自爲謀僕亦不能一一舉以相謝背人云言之淺矣不言深矣

二十一日

韻兒自北歸攜有蓮陸暨諸同人字

二十三日

淦孫亦自北歸

二十四日

復鄧其可 自招波浪貽懼同人往返相對之情具
見相關至誼此意亦不徒以口舌爲感也深聞衡
門實獲我心矣人間樂事第一是父子兄弟相聚
此行真不啻登仙同此覆載同此照臨但願各自
策勵勉監明德正不必日夕羣居耳

二十五日

復戴滄州 憶前札有買舟南下之語故與子石約

過相訪或亦天假之緣也中道回車此願雖未遂
猶幸八十一歲病骨稍免跋涉不罹於咎未必非
借庇蔭耳歸來杜門修省舊稿可焚口亦可緘矣
默之一字原聖人微妙處默而識其默足容此是
何等功力何等境地願與道翁精思而實體之

二十六日

君子小人之分惟在順理與從欲而已順理則安從
欲則危順理則憂勤惕勵不安乃安也從欲則逆

情縱意安乃不安也學者須要天理人欲之間見得分明一毫相雜則理終不能順而欲終不能不從矣

二十八日

曹月川謂生死路頭惟在順理與從欲順理雖憂危患難皆生路從欲則安樂富貴皆死路蓋理無定在故作聖功夫只是窮理陰陽人鬼循環無端能窮其欲中之理而客不搖主又能窮其理中之欲而似不亂真則精益精密益密非慎獨知幾之謂子豈能瞭然於心目之間而不使有毫末之離哉

窮理所以盡性性即理也盡性所以立命命即理也曰天理曰至誠曰至善曰大德曰大中隨意取名其實一而已矣

二十九日

今古人物總在天覆地載日月照臨之中而實能與天地相對越此心揭日月而行者自帝王師相以暨數大儒之外生而夢夢死而夢夢千萬世億萬人與草木同腐禽獸同蠢者滔滔皆是真可哀也抑知此身從天地來其形雖小理與天地渾合一飲一食一話一言一動一靜莫非天理之流行孔

于之知天命正在飲食起居語默間與天命相通
微故曰知我者其天乎我輩今日事事不悖於天
理便是入孔門庶幾路士希賢賢希聖聖希天則
天固古今聖賢之統體也

輝令將余呈詳於上臺豫督劉堯之余復北上先入
汴晚宿鄆中任含真家合符照笑各攜壺來晤

三十日

開美洛美家別晚宿延津李曉生觀察齊程都伯適
自汴歸遂旋車


四月

初一日


延令來晤晚至衛郡

初二日

郡伯守道視余寓有未盡之言令望兒入見商議竟

夕始知  司道在閩之情

初三日

望兒與  司理自汴歸具呈稿先與府道觀之皆

曰要次日令報縣

初四日

構斯與涂孫先往

初五日

寄一六公望字有云 十六年未及過里門一展
先墓尚堪爲子哉當事者正所以成我也 又與
傅巖云聞鼎言諳至翁雖不免於行載此一段明
德而往皮骨若增之壯矣

初六日

有一生過視試言微中紀以詩 人心結處翁難開
片語投機春立回不謂腐生能解此匡余不逮勝
醫來

初七日

間又有異說口占示諸兒 獲罪於天無所逃就中
庸有成兒曹從來憂患屬生趣辦得一心好打熬
寄王夢航 先生相閱之情委曲周至第一一舉以
鳴感卻淺矣忽聞又有異議總是弟之罪戾不敢
萌怨尤也俟命二字聖有明訓第不及一晤言爲
歎

初八日

含真合符熙侯驛臣四子爲竟日談

初十日

公望一六來送

十一日

宿淇縣

十四日

耿子亮到夏峯值予已出門偕弟子愉策蹇追至宜溝勒贄再拜○師弟之情

十五日

拜稽侍中祠 晉室忠臣稽侍中一腔熱血凜悲風
於今碑字雖難識千載人心憎慕同 晚宿友郭齋

十六日

魏武舊都 口眼不多更事多阿瞞憑此定山河當

年鼎足三分者早已經人入揣摩 晚宿礪州

十七日

拜湛虛祠 有序 春仲過此曾有里言識西州之慟因

時迫北上未及焚告今再過期稍暇率兩兒再拜
祠前先生知我之深諒不棄朽腐也口占一絕

登堂此際愜懷深當日音容未可尋欲向先生供

一爵蘇門蘋藻夏峯雲

十八日

再宿黃梁 塵世茫茫誰問津古今甯有幾多人不

留忠孝留仙跡隱性分明別有因

與隨行對語 驚濤共爾泛危舟此日沒恬汗漫遊

忠難經多平等事莫愁樹葉破人頭

邯鄲道中 邯鄲古道直如矢馬足車塵無刻止但

得能逢俠少年雖盡願結爲知己

舍生仁甫過視黃梁 成安二子情無已往還不辭

二百里兩月之間三度過黃梁共榻夢中起

烏盟過視

十九日

車中偶占 車中共載兩兒隨夜宿朝餐總不離展

墓向辭千里道迫吾適足慰吾私

旅店題壁者過憤 世事無庸太不平華山頂上有
人行不經險處真不見大道無言自化生

二十日

望二青不至 孟仲曾期隨我來栖遲旅次幾榮
不來斷不輕相約疑向新鄉載月廻

宿金堤店

二十一日

柏鄉城南二十里構斯及之 平生擬孤標俗士不
相入見義能勇爲我意借獨立 晚宿柏鄉齊山

輝王雨若二廣文攜壺來視

二十二日

熊兆可來顧給印結

過閩孝廉澹園託爲王生洲寄字

二十五日

由眞定府起行宿新樂縣

二十六日

過唐城訪郝雪海其太公聲遠辛卯拔貢止宿其鄉

醇朴郝氏聚族而處河流遶其西花木甚茂爲經

句唐城訪故人故人輦上去太公爲止宿疑是

武陵處

二十七日

宿方順橋

二十八日

蓮陸譽之宏納來迎至大吉店 晚宿蕭子家

張十卿呂文甫來晤 趙又元聞余將至候數日得

相面

二十九日

淨意居偶書 再入郡城十七年連朝相對意欣然
從來性命託朋友竊幸衰廢更有緣

五月

初一日

過石屋 高子耽詩酒夷然石屋中肝腸別有託
菊在墻東

贈鹿去納 此日欣相見觸予五世懷所期無限意
霜雪有春廻

初二日

抵安肅宿謝彝甫齋 荆峯廉鳴瑞來顧

初三日

立兒率族黨來迎晚至北城拜先祠

日誌

六

初四日

告墓文 兒不肖漂泊蘇門十有六載拜 墓缺焉
爲罪茲甚蓋因馳者矢萬水弱火熱念 始祖自
口外徙居爲子孫久遠之計今即不能起我 父
母九泉之下而面爲籌度時至事起或亦有不得
不然者爲守爲遷兩不容廢我父我母謂之何今
率望兒韻兒詮孫修藝藻之薦告此哀曲天時人
事又不知作如何安排也託賴父母今已八十二
歲轉禍化凶實惟積德

初五日

入城答看諸親友

寄魏石生 鄆城之地有如春元氣醕龐產異人廿
年兩走鄆南 閭里爭傳有鳳麟憶昔名馳左掖
蚤避人長欲焚諫草絕學能興平仲思偏向榛苓
姿探討自從特簡秉銓衡遐邇服司馬名一代
人才歸大治千秋信史炤孤藥野人本是漁樵者
息影蘇門踪跡寡已甘白首飽蠹魚敢問黃金市
駿馬先生意氣撼崑崙肝胆由來別有存詩著
門正風雅書編槐下續宗源時芳氣從蓮陸抗
俗方知古道敦聲味繼聞楊鉅鹿藻蘋常向鹿江

村江村遑事傳乙丙燕趙遺風應耿耿陵谷未移
人已非辨香獨奉鄣南境鄣城今日之江村寤寐
伊人天日輝

初六日

寄高似斗 十年踪跡隔龍門雙柳依然雲樹繁
我迂疎思世德得公推解廣君恩祥刑棘靜圖書
貴寶嵇山深麋鹿尊白髮長懷黃閣誼壤歌親見
古人存

初七日

率諸子若孫過賈家庄拜 祖塋

寄在王階 塵外論交情性真青巖黃閣絕爲隣一
時風雅推橋梓千載都俞見主臣邱壑非耽身已
老聲名欲遁友偏親從今擊壤南山下種月耕雲
樂

朱李八子徒步來顧 八子城中聯袂來蓬門岑寂
破蒼苔新知舊好疎達久頓使衰遲懷抱闊

初八日

至定興過一泉先生舊居東箕生 三十年來過此
居先生顏色宛庭除肯堂肯構覩家法羣英官舍
只讀書

初九日

飲雙槐亭 憶植雙槐誰手摩應知今日蔭偏多相
望有意如遲我草木欣欣亦太和

初十日

過桓侯廟 生前稱虎將沒後爲明神侯乃真剛者
尼山思此人 晚抵涿城

語陳范彭 白髮傷離別倏然十六春君仍稱逸老
我尙作通臣客味貧方諳交情久更親老年兒女
意夜話短聚頻

十一日

與陳全谿話舊 憶昔初相見今逾六十年合離因
氣數此晤倍欣然 似陳字肩 憶昔從兄在百
樓朝朝暮暮幾經秋而今學已升堂矣穀積應爲
儉歲留

十二日

貽鹿冷御 英英頭角自雄風五世相看在眼中
祖貽謀謀記取與人同處是不同

蓮陸鄴藩北來翼日歸里

十三日

金九治見顧 久從仲子得知名此日相過似舊盟

形跡盡捐談自快千秋氣誼喜嚶鳴 萬里雲霄
一敝裘塵沙眼底豈容留此中自有劉皇叔應據
元龍最上頭 是日望兒入都

十四日

題園鎮讀書處曰懽齋 紫陽訓懽曰快也足也夫
不懽安得快不快又安得足耶聖人到極至處只
是無不懽之事無不懽之時所謂無終食之間違
仁日月至焉至則懽至之前至之後則不得懽矣
我輩豈無一事一時之懽然不能保其果快也足
也誠意戒欺求懽只此一章大旨已盡故謂之懽

門闢過此關便無難事故名其齋曰懺因記其略
江村盟約未會寒欲拓前規戒苟安語言習處
操功易夢寐懺時著力難

贈張叔大

有序

叔大相從於夏峯志甚銳但爲日無

多今復來此事時時操習不容頃刻停歇幸此中
多君子當不虞其墮落也口占志勉 肩承此事
豈疎遠日用應須得所歸未竟厥功只寡過欲成
其事但知非

十五日

木宜惠秋石

老病痰壅五月寒幾番醫藥掃除難

得君秋石應多效足健身輕把釣竿

贈陳子重 世譜今將七十年喜君室構尙依然鳳

毛濟濟堪昌後名德由來別有權

十六日

五老社

有序

王王盤八十陳金溪七十七陳范彭七

十四徐木宜亦近七十合予八十一共三百八十

歲爲五老社 涿鹿停車得四人合予三百八十

身願言結社爲吾友種月耕雲託此鄰

十七日

讀白沙詩有述

眞儒性地本英豪曲士矜莊祇自

勞不用拔山九鼎力 粉物欲與天高

試筆 百年天地一孤舟 渡入清江萬里秋 縱有波

濤隨指定崎嶇一過是安流

十八日

偶述 人情多幻眼宜暗 世事難聽耳可聾 不見不

聞卻省力何勞 避俗過牆東

二十日

自嫌齋數晨夕玉盤丈招飲毫而倦初臥一室甚幽
主人遂再進一室更幽也予心樂之云更有一室
三折而始入乃張叔大讀書處也壁題二語云不

知疊嶂重霞裏更有何人度石橋予語國鎮由此
可與言學矣蓋學問到深微處其妙境始見升堂
入室豈一蹴能就故深造自得始有居安資深逢
源之趣叔大勉之哉須於疊嶂重霞尋石橋樂地
玉盤丈人子若孫共攜之尋此樂地惟敦學半成
物乃所以成已也是日題玉盤丈人行樂圖
稿入集

二十一日

馭叔紅江攜樽過濂齋 羊求聯袂榻邊來爲破蒼
苔蔣徑開舊德新開人共仰千秋一日好啣杯

二十二日

爲國鎮家譜序 稿入集

進修之事學者時刻不容錯過衛武公耄而好學太公丹書亦在九十之外是可以遲暮之年而自甘菲薄乎少壯時愈不可悠忽倘一耽樂自謂途長修短非人之所可必也顏子不蚤自立命瞬息之間已過三十悔曷追矣願與同志共勉之 題閱

又損小像 稿入集

二十三日

乘車至定興

二十四日

李介菴李璞玉治具話舊

二十五日

范陽諸友送別關外瀕行口占 氣運原憑人力持

提○三世見心痴斯文未喪覩天意多士英英慰

我思 平生託契在范陽此日重過意更長故故

新新相盼切翻嫌臨路塵不揚 晚至北城

二十六日

奇馬玉笋 搆斯到前事已結弟至中途而返殊以

不及過里門展 先墓爲歎不意忽生支節當事

者又假之入國門也借此得遂十餘年長墓之
願停車派鹿諸老止勿前恐茲多事休守富事
釋其疑第此身復損不能即南且故園親友倚司
眷戀亦不忍即南也搆斯追隨道途備悉情事筆
所未及者自能道之

二十七日

寶藏社自先大父至潤孫輩五世於茲矣二十餘
年漂泊他鄉今始過此俯仰興思徘徊不忍去山
僧掃榻偃臥者久之爲占此句相繼百年文會
友衰遲過此倍興思禪房几榻仍無恙賴有山僧

好護持

韻兒與構斯回夏峯

二十八日

夏至時祭宜於祠因十六年在客祠祭未全疎展墓
已缺焉故先陳菓酒拜祠下仍之墓藏形埋骨之
地人子有隱痛焉且俾諸孺子各得借祭餘以薦
其考妣也

二十九日

爲梁方伯作誌文至翼日稿始就另入集

六月

初一日

城中親友十一人各攜酒肴來顧

示從姪賡雅 祖父兒孫一氣相貫原無隔碍祖父

積德於前子孫未有不食其報者如自作不善身

將不免豈能庇其子孫乎爾讀父書夫知 且

耶吾家奕葉書香 佛祖開闢爾祖 且

繼其後前所未盡發洩者端在爾身此事乎功倍

之時也爾勉自策勵輝煌前修勿悠忽自甘坐失

事會切於爾有望焉

初二日

雅生過訪 憶昔飛觴嫌燭短年來筒寄見情深床
頭金盡雖削色壯士途窮可問心

初二日

晨起謂諸孫曰爾輩知宰我冉求乎夫子於宰我曰
於予與改是曰甚矣予之不仁也曰成事不說於
冉求曰非吾徒也小子鳴鼓而攻之曰今汝盡撲
此其菲薄之也至矣似不得稱高弟列十哲之內
然不知此二人者卻是孔聖人所一日不可少之
人觀其六侍曰言誥不辨宰子侍論成人曰冉求
之藝此足見二子矣於相關之○○○大鑑鍾正

見教

是日士申之田治埏偕田界埏廼理崔魯望若泰來
顧界埏魯望亦執贊

初四日

與申之四子論修譜以明仁孝忍餓以立志氣讀書
以廣聞見申之又增一語云余足以免恥辱

初五日

午睡起 短牆曲徑板門開北牖南薰暑氣回去病
貪眠渾未醒等閒失禮故人來

初六日

日薄

卷二十一

毛

陳天行明府來訪

初七日

杜君吳攜南孟湛子公式文市獻甫過視年來日

日賦停雲老將幽燕獨有君此際相過攜衆妙坐

深月皎氣氤氲

初八日

先考第六十忌辰攜子孫曾三世拜墓久客今歸

展墓門兒孫又復長兒孫夏峯煙雨蘇山莊千里

相將佐一尊

初九日

窮親故舊見顧者近二十人

初十日

爲崔西星述行畧

十一日

爲孫玉屏作誌文

十三日

贈箕生

憶侍君大父吾壯君尙幼披編徹中夜問

字無白晝而翁時在側愉色及左右善道與安貧

投契泯聲臭厥后君出山努力事哲后亮節冠庭

辰大名垂宇宙不謂履盛盈依然篤故舊顧我山

之賦迎我郊之圖夕景娛函丈疑義每窮究君復
擅風騷篇什日云富能開大雅先不愧醇儒後維
南我處遙懷思耿屋漏願言得近之百年尚老壽
君家三世書還頻恣我讀雲樹餘清芬與君長相
激

十四

高舊簪寄字到前案始結

石陳國鎮 謙齋淹留半月君家父子兄弟殷殷相
聚之情夢寐相感且喜諸同人氣誼過出時流大

慰病叟二十年夙願趙忠毅有言凡行之孤高而
無兵爲鄰者不可謂德諸君之景附響從可卜椿
梓昆玉之立德矣韻兒抵家卽南行僕連日體中
稍可支持但日有酬應氣弱仍如在懽齋時也前
案旣結意欲在家休息明春始覓出門耳

爲范箕生作宗譜序次日始就稿入集

十七日

寄輝令 昨從舍親處知當事盛意卽令來役與豚
兒赴聞左右復承遣使遠來足覘相關至意僕久
客歸故鄉親族依戀且支體困憊難及南旋無期

夏峯家累知在覆蔭之下可免千里牽腸也道府
諸公祖問及鄙况煩以此告之不一

十八日

八姪索書 行已有恥對無恥而言也狷者有所不
爲對無所不爲而言也賢不賢之分豈有遠哉夫
無所不爲正是其無恥處故孔孟每提一恥字以
激勵人知所用恥則不及人不爲憂矣

十九日

跋忠愍手蹟 稿入集

二十日

大聖舍己大賢克己庸人私己小人護己人人有欲
護之己其病易見自私各不同先儒謂二氏亦是
自私自利故夫子語顏子一日克己復禮天下歸
仁焉正克此自私自利之己也克如克敵務求必
勝不待克而自無不克則聖人矣到得聖人地位
徒義改過仍是克己功夫舍己只是克己到純熟
處

二十一日

人生一日之間百年之內其衣服飲食之需亦自有
限然人欲富貴之心則無限也能澹其求富之心

則疏水簞瓢自樂人生自少而壯自壯而老其涉
世之期亦自有盡然人欲生惡死之心則未有盡
也通乎晝夜之知故曰朝聞道夕死可矣斯二者
原無可惑而大惑不解舉世皆然併孔子之言而
莫之信也

二十二日

牛昌孺視予樂是廬因憶其父仰泉兄生平高誼黯
然有懷 不見而翁三十年與君相對意淒然那
堪回首述前事定有詞人奮筆傳

二十三日

考浦陽鄭氏義門自宋建炎初至洪武十年同居
十有餘世歷二百六十餘年守詩書禮樂之教弗
墜宋元二史具載孝義傳中其持守之規前後共
計一百六十八則刊布已久同郡朱濂爲之序始
自冲素處士紀後多聞人今又三百十年矣其家範
不知尙能繼承否因爲友人作家譜序而深有感
於鄭氏之難能也

二十四日

爲姪孫永錫完婚

二十五日

吾人一身總爲門面二字作苦不自愛惜不知輕重
不顧是非此不能自立倒闔門面者也知愛惜知
輕重知是非勢不能辦力不能行而敗行喪心多
方粧飾此謂之亡爲有虛爲盈約爲泰難乎有恆
矣立門面盡其在我者而已粧門面則徒致飾於
人者也此中相去正千里耳莫以粧門面者作立
門面須是知學

二十六日

乾父坤母分陰分陽陰陽合德而成至善非謂陽善
而陰不善陽爲君子而陰爲小人也乾六爻皆陽

坤六爻皆陰天地可以善惡論耶六十四卦不以
陽爻皆吉陰爻皆凶也易時而已陰適時則吉陽
非時則凶婦人合禮則吉男子不合禮則凶豈男
子皆善而婦人皆不善哉馬遷不爲婦傳立傳于
疑之男正位於外女正位於內陰陽合德士庶宜
家諸侯宜國天子宜天下所關豈淺鮮哉予因錄
婦德之節烈賢事而論列之如此

二十七日

吳甘來殉義時與其兄子家儀訣曰我不死無以見
志汝父死無以終養古者兄弟同難必存其一使

皇上在則土木衰朽遜國程濟皆可爲也否則求
眞人於白水起斟鄩於有仍是我雖死猶生也拏
力勉之

二十八日

樂是廬記 余宅後隙地茅屋三間築自丙子子兄
第父子日夕聚首於斯鹿仁卿題曰樂是廬取淵
明樂是幽居句也予甲辰歸來兄若弟自予出門
已故猶得集子孫曾寢於斯食於斯誦讀於斯客
至琴棋詩酒於斯暇則羣曾之少者竹馬嬉戲於
斯竊自忖祖父伯叔兄弟俱未永年子幼而多憂

過六十如漸有瘳也今逾壽矣四世一應慶多矣
養豈非天幸也哉大暑記

二十九日

爲杜君異母夫人誌畧 稿入集

閏六月

朔日

家訓二則 晨起率子若孫祠堂焚香羣從續主詞
謂之曰我等聚族而處佳晨令節生忌朔望得來
祠堂瞻禮祖先父母是祖父之魂氣常在兒孫之
誠敬常存也只此是人生第一吃緊事明此而爲

農是良善之民明此而爲士是道義之士祖父恬
熙於上兒孫敦睦於下豈非一室之太和而一家
之元氣也哉願我子若孫世世勿替

又謂之曰知勇辯力爾等不足謹厚樸拙爾等有餘
夫知勇辯力此四者皆民之秀傑然不能惡衣食
耕鑿以自養反不如謹厚樸拙者之安分而寡過
也試思吾家先祖百年遠近頌佛兒不衰者正謂
共謹厚樸拙耳多一分智巧損一分元氣爾等大
家培此樸拙之心便是真能守祖之孝子順孫

初二日

論讀書于弟 爾等讀書願求識字或曰焉有讀書
不識字者哉余曰讀一孝字便要盡事親之道讀
一弟字便要盡從兄之道自入塾師抱書本莫不
識此字誰能在自家身上一一體貼求實致之於
行乎童而習之白首不悟故讀書破萬卷祇謂之
不識字王汝止講良知謂不行不算知有樵夫者
竊聽已久忽然有悟歌曰離山十里柴在山裏
山一里柴在山裏如樵夫者乃所稱識字者也

初三日

齒傷忘警四言古一章 耄年善飯身其康疆一朝

小慎厥齒用傷少合多離百味失常耳既鮮聰目
亦少光背復殘缺通體不良百年如寄境促情長
飢渴害心自取咎殃

孝友堂讌集有感 廿年常作客疎違孝友堂此日
過里門孺子爲稱觴羣從咸在列離緒諸各長夏
時不須臾一室互相望忽憶武城宰令我心旁皇
癸未殞雙峯我乃遊四方所嗟兩猶子少者更先
亡猶幸孫採芹有曾亦誦夏盛衰闕家運天意有
翁張廉吏多令德厥後自應昌

初五日

學問之道不必先務有功於人第求寡過於己此二者固自分也求有功故以事績顯或以文章著意欲馳於外求寡過淡然無營祇免疚焉於己安計聞達於人此闇然爲己之學也然而未易言也夫子欲寡其過而未能真見道之言

初六日

雨中迷事 無風忽起浪浪起成安流所恃數同人默爲曲笑謀崎路入康莊危履得綢繆中道遂同車勞瘁思暫休不謂事內寢外復有所求衝炎攜二子到處病淹留問程千里餘計日將月周狼狽

入里門匍匐拜首以痛定翻作喜曠然盪新愁盡
年歸于舍展墓勝封侯因憶當事者用愛非用簪
喘息幸苟存仍復藉良儔多言自取侮焉敢於人
尤雨氣滌塵襟述此誌同舟

初七日

大凡向學之人獨立之意多近於方方之弊也爲單
板隨人意多近於圓圓之弊也爲軟熟邇有謂南
臯圓而少墟方以少墟之方方南臯之圓以南臯
之圓圓少墟之方者其惟顧涇陽與高景逸乎子
謂初學宜以方入學力添單板自化斷不可失之

軟熟耳白沙有句云平生最愛孫思邈自古高人
方又圓伯夷臨臨處亦是方之過柳下惠不恭不
恭亦是圓之過聖之時乃所謂方圓之至

初八日

先祖令沐陽祇收新生公宴二繼先考與先伯各作
衣一件亡弟宰武城解組歸來止剩銀十八兩仍
與諸兄共之爲二絕以示我子孫 兩載沐陽祇
二繼此心無欲豈鳴廉爲人受過不輕訴縱有官
嫌無鬼嫌 解組歸來十八金充囊雖薄入人深
況仍分給諸兄弟后土皇天鑒此心

初九日

三賢詩

有別

容四境之內絕長補短僅可五十里也

而理學有靜修義士有敬益忠臣有椒山接踵而

出謂非地之靈也不可作三賢詩與生於其鄉者

共勉焉

文靖元大儒處士召不至非不事裕皇

易稱高尚志祖父生金元舍此身何真尊道與行

道情同事然異希聖學已深點由置非位俎豆擬

孔庭後來如薪積

義士事還田元史載孝友義

從孝友生此意乃真厚田去四百年子孫環相守

耕田只耕心心田能耐久堯舜讓天下天下至今

有莊以興讓名兩字自不朽 忠愍烈節士龍比
共嬰鳴矢志誅國賊急聞請劍聲一歲官四遷圖
報有至情祇完當日事豈計百年名名與身孰親
殺身仁乃成賊魄從此奪天地爲一清

初十日

胡炳南

此諱也誌太畧失其字然屢徵不就講道林
尖山卒賜配饗靜修便見其端爲作此詩

胡公元進士天子不得臣講道林尖山同志有五
人時稱五丈夫相聚無宵晨雖不傳所學但云卻
聘頻自是靜修契企慕有獨真沒而賜配饗同德
應同鄰

十一日

二子詩

有引

希直希古二人師弟也以古道自任者

也吾鄉學脈肇自靜修二三君子行之不絕胡與

二子今皆配饗靜修祠

道義由師友二公真其

人希直篤信士所重在敦倫邑學與國學到處皆

誼真文清暨文靖從祀疏請類摺弟同告歸慕容

風氣淳希古師事之志意廻不羣諸生諳世務鑒

鑒叩關陳七疏請靜修較師言更詣師沒倚墓側

端木其後身雙璧儼在望風義人逾新

十二日

過王氏莊。悲逝者之絕嗣。感存者之凋殘。愴然有懷。
束髮知求友。諸君託契時。相過無宵旦。相見輒
舉卮。語言忘忌諱。憂樂更共之。甲申前後間。少合
而多離。國難與家難。轉徙無常期。我來自蘇門。零
亂竟如斯。庭屋鞠茂草。十人九靡遺。僅存一老儒。
是我舊館師。蕭瑟目。愴多所悲。副雖善
飯微骨貧。難持握手話。觸自心懷。其有懷難
具陳。作此寄我思。

十三日

志士吟示諸子 何以謂之士。志外無他。奇所志無

顯晦屹然挺自持非求不能尚尚處求不移一物
不能加萬理有獨窺伊周與孔顏總一志所爲畝
畝樂堯舜思兼三王時用行而含藏我與爾共之
古來明哲人道各有攸宜此語人共聞作事輒相
離志原未能信固爾多狐疑願先立其大志帥氣
應隨崩浪誓聒天寸心自坦夷榮公老彈琴其樂
復誰知淵明嘗命子誥切望企而汝輩亦非愚阻
勉慰我思

第二河端函來候

十四日

朱祖文傳贊 張果中傳贊 胡向化崔庚傳贊

孫爾禎爾祚侯保傳贊 以上俱入集

十五日

祠堂瞻禮羣從子弟兒孫咸至謂之曰祖父之精神
其所憑依在兒孫存亡生死原不相隔第兒孫之
誠敬不至則祖父失所依歸仁人孝于格天地格
鬼神須自格祖考始可不慎諸

十六日

贈魏蓮陸 廿年如飛蓬邈與世相絕所樂獨朋儔

肝腸潔猛力拚一官衙門廿年拙時視我蘇

門無畫相悅四友六侍中子應非一列艱危憶
昔年氣誼一何切爲丁亥事今歲二月間崩浪筆
川決子雖無所言默意有獨挈憂患見平生同人
俱心折耄年偷視息子端爲我設

立秋 一葉梧桐暑氣除衡門之下具琴書耄年謾
道乏功課有字無紉俱足娛

里門四首 我今過門里宗族欣來視少者面未識
壯者貌亦異本是同源人話言絕無僞繼而攜酒
漿各訴別後事雍睦宗之光懽情入夢寐 鄰曲
知我歸欣然談在昔云去已多年今幸共晨夕舉

步攜兒孫相與勞行役斗酒佐鮮鱗往來乘農隙
休戚累世同亦爲別離惜言念我桑梓孰非同
室人但以別離久緣疎益得親長幼聯袂來晤言
各率真有酒須一酌粗糲不言貧吾鄉有先達爲
高正有因邑令聞我來單騎欣至止郡長聞我
來函書佐紉綺天下有故人致言留轍軌自愧一
腐儒垂老家常徙問也而過情中夜常自起

十七日

汝器字說 稿入集

十八日

李都督來先傳贊 吾鄉知後之有楊忠愍而不知
前之有李忠愍也李忠愍以世職洪永間授浮圖
峪守備積功至總兵鎮遼陽癸丑之役以一當千
連戰四十餘里至八角大虫嶺環圍數十重與長
子松俱戰死事聞贈少保諡忠愍亦烈矣沒之後
表章無人鄉黨且不傳後死者之過也無怪乎古
之英人烈士多湮滅而不聞者也魏彥昭叅劉瑾
疏亦失傳惜哉

二十日

爲張湛虛作易注序 稿入集

二十一日

贈耿是經父子 有引 是經投筆隱忍執功名志固有

在而以清姦弊之故致遭諸姦侮陷八年憂患今
始自子之基日夕追隨苦心志勞筋骨實生其父
君子謂之有子有此孝子豈不勝斗大金印哉臨
路贈此 馳驅八載飽風霜動計程途萬里長憂
患生人君記取更留孝子柱天常

二十二日

衛源遇王錫類 我本幽居士與君別有緣交以司
寇合意在司寇先別久勞相念迂道思披宣執手

衛河濱相見各歡然沽酒話旅舍賞趣在言前依
依記別時爲賦停雲篇

二十三日

咏割耳三節婦 有序 李冠妻任氏都御史侃之姪婦
也孫光祿妻李氏都御史侃之孫女也孫國祿妻
陳氏明經守謙孫女也國祿與光祿爲同族一線
元燈相觀而善作三節婦詩以志欽企不獨爲巾
幘稱光也 容城有三節貞風凜箕箒雖云未亡
人偷生不肯苟告以耳殉天剛心復勁手操刀不
遠巡但求身無負死易存孤難大義有所受殘形

形乃全名與霄壤久任以完節終楚方襲身後李
間任女姪居孀纔十九生而被莊綰水掛簪人口
陳與李素習相觀善如姆前後百餘年三婦稱節
首源淵共一燈天以地爲紐唐史魏清妻割耳傳
不朽吾邑有三人堪與房氏偶

二十四日

兩從子經雅述雅住北庄相去僅里餘烹魚沽酒爲
款時攜二子一孫惓然相對足稱雍睦而隔籬陳
昭子舊紳見齋君嗣孫孝廉念川從姪也復攜酒
果至俯仰今昔故交在念益不能忽然爲別念

我厥初惡忍辭故人零亂更堪思淹留竟日忘歸
去疑是陪風時

二十五日

論子若孫暨羣從弟姪曰人患不富貴耳患無才技
耳靜言思之富貴不無取禍之道才技亦有招殃
之理古來史冊影懷俱在反不如庸庸碌碌者之
足以自全其天而苟免於世汝等既無富貴又鮮
才技卻非不幸須先有一段苦心志勞筋骨餓體
膚之意賸跡自隱閉戶讀書則苦乃所以得甘不
待甘之時見甘能苦之時而甘已具矣勞乃所以

見逸不待逸之時見逸能勞之時而逸已具矣餓
乃所以得飽不待飽之時見飽能餓之時而飽已
具矣此立身之急務度世之良方也況當此時有
不得不苦且勞且餓之勢只要討一箇恬然安之
便是真實學力

從弟銘甫醵酒過樂是廬 入門曾治具破例爲
我設今攜醴酒來祇緣久離別子固知我腐我亦
喜子拙生平無僞言獨守固窮節厥考既作室堂
構肯中輟承前復始後時時有要訣季父德淵深
藏修終未泄事半功倍之於子見遺烈

二十六日

夢寐時驚兒子輩呼之始覺人謂高年多思心血不足使然余謂獨知未慊故也爲一絕 何來夢寐輒相驚祇是源頭未得清能使此心無一物何思何慮到天明

潛孫作幼學壯行論余語之曰學是學何事行又行何事也伊尹畎畝樂堯舜之道是其所學幡然之後欲親見堯舜君民之盛是其所行夫子隱居以求其志行義以達其道求志即求堯舜以來相傳之志達道即行堯舜以來相傳之道也期年三年

之願雖虛而緩來動和之暑固已結於天下萬物
其所學使然也孟子曰窮則獨善其身達則兼善
天下此物此志也故言必稱堯舜非堯舜之道不
陳於王前此是願學孔子實血脈學者尋孔顏之
樂便是樂堯舜之道堯舜之道不能得之躬親則
孔顏之樂決不可使一日不在我此夫子所以終
身行而終身藏也行聽之於天藏盡其在已不肯
舍所學以從人孔子之家法至今在

二十七日

從弟奇鵬勇於改過子嘉之爲作此詩 爾一莽男

子殊爲宗黨憂我念同高祖用愛似用仇爾乃不
我怨摧剛以爲柔止酒三十年矢志洗前羞聞星
頌聲作時親有道流恥過而作非尤矣拙於謀周
處三害除攜手可同舟

二十八日

永悼亡有引三姪量雅亡十二年四姪維雅三年六
姪把雅九年九姪調雅近二十年矣時有遠近總
論我老懷也作悼亡詩言念二十年猶子四聞
訃今我歸故園何堪木拱墓量雅一酒人頗解詩
之趣從我於蘇門躬耕非所務聞有佳山水津津

入寐寤性命託友朋一歎半臨路積勞臥舊居
焉先朝豈難雅性朴直本分無外慕從父宦武城
蕭條如之必寓野老話桑麻酒一杯具遣兒遠視
予知爾念我故我歸爾不聞悲風來日暮抱雅亦
深心於人無所許不知有機樵何知有學問已與
世相忘藜藿常不足所差學有成小試亦未過遣
卽在後人天道豈不誤却知美饌不設書少微情
思以一幣百中夜心爲童子嗣未及立弱冠忽三
仆弱女雖非男知爾意有注悼爾年皆促悼爾情
各苦慘慘結愁雲濛濛淚如雨

十九日

五壽

有引

從弟奇志七

丁酉從姪大雅七十八

七七商雅七十三

以雅七十一作五壽詩一

門壽有五俱是同祖

年近四百合爲祖一身

學農兼學圃圖而氣滔人皆笑拙謀我謂守祖

功圖官亦云人所樂世國貧無金以遺後後後

得因時書雖不足耕時皆良民得歡如樂作瑞

芝芝壽壽我來自蘇

有良侯侯詩詩意意

長而親親壽孝倍於昔先德可無

譜錄存卷之二十一終